

明季北畧

卷二十二



10478

明季北略卷之二十一

錫山計六奇用寶編輯



誅戮諸臣

朱繩臣

朱繩臣字心翼。懷遠人。世爵成國公。賊至獻門。時守齊化門也。廿一日與陳演勸進不得入。世臣中之最逆者。吳鎮兵臨賊欲迎敵。恐其有變。誅之。初上未崩時。諭閣杜託純。臣輔太子。閣中未及宣。自成因此有疑純。臣立命誅之。籍其家。

明季北略卷之二十一

徐允禎

徐允禎字中元。世爵定國公。與成國同誅。昔建文之難。其祖以獻門獲爵。今始食其報。云他元勲戚。晚卒有全者。不能盡錄。

陳演

陳演四川成都井研人。天啟壬戌進士。官大學士。既罷官。以多藏不能出都。先是演責治一僕。僕恨之。遂出首于賊。言王家甚富。即如某處有銀四萬八千兩。珠亦盈斗。賊兵如言往。掘果如數。因是垂誣不已。受

最慘僞相牛金星以二鐵索貫其左右手所至牽以自隨步稍遲皮鞭亂下身無完膚竟誅死。先是二月演乞休上許之賜金幣始上憂秦寇演謂無足慮至是不自安求去然挾重貲知都外寇盜充斥遲遲久之遂及于難或云獻銀三萬兩金三千兩珠三斗。

余昔見樵史云賊入京演語所知曰吾昨夢于山上騎龍而飛返顧無尾客以語言賀之演頗喜有妄志末幾遂羅禍。

明季北略

卷之三

二

魏藻德

魏藻德順天涿州籍應天上元人崇禎庚辰狀元官大學士賊點名曰藻德首向自成卽頭求用自成旁揖之藻德請試題自成有所命藻德聽之不異而又不敢再請皇遽而起一日殿上唱名急呼魏藻德求見欲爲周延儒等報仇三呼藻德不應卽命戮擊少頃繩繫至命送僞刑官拷打劉宗敏責以首輔致亂魏藻德曰臣本書生不諳政事又兼先帝無道遂至于此宗敏怒曰汝以書生擢狀元不三年爲宰相崇

頑有何負汝詆爲無道呼左右批其頰夾二夾追出  
銀一萬七千兩其妻穆二次子亦二夾國變錄云興  
濱等同誅或云自勒死又云飲水一大碗死甲乙  
史云四月初二魏藻德被夾五日不釋而死後逮其  
子云無錯置卽斬之

予觀藻德之對宗敏宗敏之責藻德與晉之王衍  
石勒酷肖小人賊渠千古一轍

大事記云藻德首向自成叩頭言罪臣某叅謁臣  
三載新進書生叨任宰輔大明主不聽臣言以有

明季北略

卷之三十一

三

今日自成旁指之夫藻德庚辰狀元癸未五月入  
相榮貴極矣無道之言雖喪心病狂恐不忍出之  
口也

邱瑜

邱瑜號鞠懷宜城人天啟乙丑進士歷官至禮部左  
侍郎爲東閣大學士甲申三月賊逼京師十八夜集  
議朝房漏四下同寓呼其子之敦曰事急矣汝自爲  
計吾將從事于奉先殿敦請故公曰今日召對帝言  
大家在奉先殿完事因覓黃絹一方袖之黎明入朝

見宮人狂出詢駕不知所在。而賊馬已過城矣。公走  
鐵匠衛衛。遇友人胡季宣延之入。欲自縊。不得隙日  
午之敦。至。公曰。吾死矣。我不過做幾篇文章。得高第  
食厚祿。世亂。既不能匡君。危又不能救。是天地間罪  
人。死後當露置平子門外。以爲人臣。尸位素餐者戒。  
不必歸葬也。敦悲泣。公曰。勿泣。人生百年。亦死若得  
其正。死猶生也。語云。寒疾不汗五日而死。設去年染  
疫不死乎。汝當讀書。讀書以明道。要識綱常兩字。如  
汝弟從賊偷生。非吾子也。蓋公次子之陶。于壬午爲  
曹賊羅汝才所獲。羈之營中。後又歸闔。尋以自成出  
與孫傳庭迎敵。之陶竊其令箭。以逃。竟穿營走出。將  
渡黃河。盤獲見闖。陶罵不絕聲。賊怒。劓之。時賊屯河  
南嵩縣。事公尙不知。故責其偷生云。尋命敦別去。欲  
俟靜夜投繯。抵暮。長班引賊入胡室。執公行。道過敦  
公袖出絕命詞一紙。授之前。有詩云。百歲春光強半  
過。勸時力短愧鳴珂。詩書萬卷多無用。惟有先賢正  
氣歌。後云天崩地圻我輩讀書明道。豈能苟且求活。  
一月綸扉。廿年玉署。雖事柄不由己操。而大義安可

不立畢命投繯。暢然無憾。吾見勉旃。忠孝勿爲過。○長途孤櫟。勢難自達。○到處青山。可埋吾骨。○何必故鄉。○等語。是夜賊擁至窩鋪。用兩賊幫。宿公欲求死。不得。○尋執見劉宗敏。逼勒助餉。○百方毒辱。賊押歸寓。乘間服水片。而死。子之敦。純孝有聞。今流寓湖州。

忠逆史云。邱瑜。湖廣襄陽府宜城縣人。公道。單注夾死。北遊紀略注。自盡。而各單又言。與陳演等同日被害。故注。誅戮大臣。內而編年。則云。自縊。死賊既竊踞。一時諸臣。盡節。稍不決烈。卽被其拘執。

明季北略

卷二十一

五

于朝。梟刑。榜掠。迫脅。獻金。雖多寡不同。俱不免有獻獻。不滿意。仍復受刑。受刑。不過。遂求自盡。至此亦已晚矣。與其辱身而死。何如身死而不辱。且兼得令名也。然而議之甚易。爲之實難。人臣到此。不論後先。總之一死。則不失爲君子。

論曰。世之譽邱公者。以其遲死。被刑耳。惟是遺筆在。未執之前。被執卽城破之日。事與願違。尤當當諒若邱公者。余謂縱不得與吳橋比烈。較之井研。通州輩。似難同日而語。而世顧苛求之。何與。

懶道人善觀氣色

崇禎末京師有懶道人。每在東直門關王廟行止無定。不言姓氏。善觀氣色。吉凶立驗。錦衣衛指揮張司方甚敬信之。二月中延飲。與之奕。因談禍福。時京師宴然。忽勸同方擊家南行。同方曰。再二年卽理刑矣。奈何去之。道人曰。理刑未必受刑。是實。同方猶豫不決。又一月。道人來辭。同方曰。老師云。小子吉凶若何。道人指飛鴉示曰。汝觀此鴉墮下立死。同方曰。此不祥兆也。我得免否。道人曰。四方八面俱是羅網。貧道前言不信。今救不得。遂往東直門外飄然而去。同方止憂在朝犯事。遂于衛堂告病乞假。及城陷。同方與武職二百餘人悉斬于中吉門外。道人之言始驗。其時又有知一禪師。別載于吳易事內。茲不錄。

附記

蔡生福建人。善天文。崇禎初年在京師。語無錫進。

士唐孟津曰。甲申年有變。時不信。至是驗。

刑辱諸臣。官銜列下。別于死難諸臣也。若死難者。先書官爵。而後書名。

再興讓

冉興讓字心淳直隸虹縣人駙馬官少師死

劉岱

劉岱字林岡河南陝州人官少傅左都督死

冉孔悅

冉孔悅字師聖北直蠡縣人官都督死

駱養性

駱養性字太和係湖廣永州籍順天大興人世襲都  
指揮使養性官金吾坐贓數萬弟養心養志皆受酷  
刑

明季北略卷二十二

七

張國紀

張國紀字憲章河南祥符人天啟皇后父也官上柱  
國少傅雲鶴服色太康伯父子俱夾死籍沒

周鑑

周鑑字明原官都督加太子太師國文嘉定伯奎之  
子素有弱疾以夾死弟鉉字文器指揮僉事都督同  
知一夾僅存又奎侄銘字新盤指揮僉事都督同知  
削髮遁被獲亦受夾奎甥嗣于奎名鐸一夾獻銀六  
百兩俱不死時奎房產積蓄盡為賊有空手出門尙



疑諸子私殖不免敲朴如此勲戚無不受刑特誌周  
氏一門以例其餘

### 方岳貢

方岳貢字禹畛。湖廣穀城人。崇禎辛未進士。官大學  
士。先在松江爲知府。有能聲。以戴罪徵。逋延至十三  
年庚辰。無級可鐫。閏正月徵下獄。素走聲氣。故朝中  
爭訟其清。擢爲山東漕運副使。十六年九月驟陞左  
副都御史。岳貢上言四事。清言路以收人心。定推遷  
以養廉恥。責吏治于荒殘。儲將才于部伍。上是之。旋

明季北略

卷二十二

八

秉衡軸功名損于

卮京抄云夾獻銀四千兩布四

百疋尙拷不止。乃獻下江南策。方公頗自好。必不至  
此。疑出仇口雲。問何剛等。揭謂公屢自縊不死。賊

騎擁去。逼降公不屈。詈不已。遂極拷掠。凡二日夜。搜

寓所。僅得布袍五襲。犀帶一圍。欽賜元寶一錠。賊大

詫曰。閣老何一貧至此。于是獨不釋。公繼而李賊問

夾者何人。賊黨指公名。李曰。方某清官。安得有金銀

始得釋。公見東宮慟哭。東宮曰。先生救我。公曰。臣當

忍死以護殿下。賊怒。于是格不得通。及四月十三日

賊忽擁太子出都十七喧傳太子墜馬死公撫膺大  
叫遂勺水不進二十六日整衣冠絕吭而死。又似有  
意爲方公周旋蜀人吳邦榮國變錄註夾二夾完賊  
三千兩不死留用他單又有註同陳演戮死者均不  
可信。意受刑之後恥爲賊用而自引決耳。

李遇知

李遇知陝西籍四川人萬歷三十八年庚戌進士官  
吏部尚書。大事紀云遇知夾二夾。擢一擢退出銀  
四萬六千兩夾死。

明李北畧

卷五

九

雷躍龍

雷躍龍雲南籍應天上元人萬歷廿三年乙未進士  
官吏部侍郎夾二夾。

沈惟炳

沈惟炳湖廣德安府孝感縣人萬歷四十四年丙辰  
進士官吏部左侍郎夾二夾。

張維機

張維機福建晉江人天啟乙丑進士官吏部侍郎夾  
二夾。頭箍一箍仍夾其僕二夾。奪賊刀自刎死。見國

能奪刀自刎。可謂烈矣。惜乎其晚也。

金之俊

金之俊字豈凡。浙江嘉興人。萬歷乙未進士官兵部。添設右侍郎。出撫昌黎。被獲。夾二夾不死。後為大清朝宰相。此公頗有經濟之志。甚為惜之。甲乙史云。三月廿七日。金之俊輸銀百兩。健兒夾之于室。相與朋飲。

陳必謙

明季北畧

卷三

陳必謙南直常熟人。萬歷四十一年癸丑進士官工部侍郎。夾二次。傷被幽。同幽者展轉歎息。公林一石。塊斲寢如常時。今逃歸。公居鄉。素有清正之譽。鄉人聞變時。皆策公必死。北來初。單亦注死難。後乃大失人望。歸後。遇土賊。傷其掌指。狼狽而免。歸數日。病死。惜哉。

王正志

王正志北直河間府靜海縣人。崇禎戊辰進士官戶部右侍郎。督運西路國變錄云。夾二夾。其于亦夾。

一移或開入從逆

張忻

張忻。山東萊州府掖縣人。天啟乙丑進士。官刑部尚書。

方拱乾

方拱乾。南直桐城人。天啟戊辰進士。官左諭德。兼侍讀。聞城破。尚卧床上。引刀割鬚。未及半。為家人抱持旋止。竟為賊執。方以美婢四名賂賊將羅姓者。得免。夾隨。為何瑞徵。楊廷鑑。力薦。可為宰相。蓋瑞徵

明季七畧

卷二二

十一

乃其同年。廷鑑其門生也。方家眷悉任。廷鑑寓中。四月初三夜。偽尚書張琦。然騎至方所。深談良久。云不日大用。老先生無過慮。此係方一小童。逃回南都。所言小童。甚俊。羅將復欲得之。方已許贖。此童畏賊。逃回。回時。方尚未實授官。但青衣小帽。額貼黃紙。順字耳。

胡世安

胡世安。四川成都井研人。崇禎戊辰進士。官少詹侍。讀表二夾。

衛允文

衛允文。字紫菴。陝西西安韓城人。崇禎辛未進士。官諭德。以削髮被護夾二夾。

楊昌祚

楊昌祚。南直寧國宣城人。崇禎甲戌進士。官翰林院左中允。以剪髮夾二夾。

林增志

林增志。字任先。浙江温州瑞安人。崇禎戊辰進士。官翰林院編修。以削髮夾四夾甚慘。

明季北畧

卷二十二

三

宋之繩

宋之繩。南直應天溧陽人。崇禎癸未探花。官翰林院編修。削髮被護。以楊廷鑑。周鐘力薦于王旗。鼓免夾囚之。

李士淳

李士淳。廣東潮州程鄉人。崇禎戊辰進士。官翰林院編修。夾四夾甚慘。

方以智

方以智。南直桐城人。崇禎庚辰進士。官翰林院簡討。

充定王講官。聞變走出。遇蘇人陳伯明倉卒。通名相與歎泣。潛走祿米倉。後夾衛見草房。側有大井。意欲下投。遂擔水者數人。至不果。陳留至寓所。一宿。次早家人同四卒物色及之。則家人惧禍。已代爲報名矣。四卒挾往。見偽刑官。逼認獻銀若干。後乘間逃歸。公字密之。大清朝至。祝髮不仕。康熙五六年間。居江西廬山開先寺。一時官民敬禮之。稱大和尚。氣象雍和。不似昔年講官時嚴肅也。

萬發祥

明季北畧

卷二十二

三

萬發祥。江西臨江新喻人。崇禎癸未。庶吉士。國變。銻云。庶常俱留用。無災者。萬以塗面粧。鬻遂不免。

朱徽

朱徽。江西南昌進賢人。崇禎辛未。進士官刑科給事中。或開從逆。

彭瑄

彭瑄。湖廣永州人。崇禎甲戌。進士官工科給事中。或開從逆。

馮登垣

湯登垣江西瑞州新昌人崇禎庚辰進士官浙江道御史

吳邦臣

浙江紹興山陰人崇禎庚辰進士官山西道

御史

鄭楚勳

福建興化莆田人天咸甲子舉人官雲南道

御史

曹溶

明季北畧卷二十一

十四

曹溶字秋岳浙江嘉興人崇禎丁丑進士官御史予聞公留心著述欲訪之

吳孳昌

河南籍江西南昌人崇禎庚辰進士官吏部

主事以削髮夾二夾

楊元錫

字康侯福建泉州晉江人崇禎甲戌進士官

吏部主事十三歲登科十四歲登甲榮踐天部人共

羨為仙佛再世乃亦包羞忍辱至此惜哉或注從逆

張鳴駿

張鳴駿字廣陽福建漳州龍溪人崇禎庚辰進士官戶部主事

陸禹思

陸禹思南直溧陽人崇禎庚辰特用官戶部郎中或開從逆

彭敦歷

彭敦歷南直丹陽人崇禎庚辰特用官戶部主事或開從逆

明季北畧

卷三十三

五

朱芾煌

朱芾煌湖廣王開人崇禎甲戌進士官兵部郎中

劉若宜

劉若宜南直懷寧人崇禎丁丑進士官兵部主事非也懷寧屬鳳陽府

陳鵬舉

陳鵬舉湖廣黃州麻城人天啟壬卯舉大官刑部員外不投語被執見僞刑官叱使跪不屈椎擊亂下幾斃家人願以身代死賊義而釋之



至忠僕義刑辱中不多見者宜表而著之不得概與衆伍而設其品也。

李逢申

李逢申南直青浦人萬厯己未進士官工部郎中夾三次或云死嵩人以逢申與朱積作對云朱帝蒙塵為邪臣早服李兇張醜皆因甲歲逢申早服乃朱積字也。

聶一心

聶一心四川敘州富潤人崇禎庚午舉人官工部郎中。明季北畧卷二十二

中

潘國春

潘國春浙江紹興餘姚人崇禎丁丑進士官工部員外郎或開從逆。

趙士錦 有檄

趙士錦南直常熟人崇禎丁丑進士官工部主事

鄒逢吉

鄒逢吉江西湖口人崇禎丁丑進士官工部主事

死

申濟芳

申濟芳南直長洲人。官生。官兵部主事。不投謁。爲長班。所首被執。賊謂相國之後。必多蓄。而濟芳實貧。夾損一足。與陳必謙同幽一兵房中。是夜死者數人。申亦與焉。守兵以告。有令各發會同館。兵于死者每加五棍。而後發。申移至館。館主人見其喉間翕然微動。灌之。有氣。送家人來。其省視。乃復活。問其受棍時。全然不覺。惟第五棍稍似有物及身耳。甲乙史云。四月初九。東報已急。賊人隱之在塾者。盡釋。惟留申濟芳數人。各子繩自縊死。後各人加五棍。濟芳昇歸。入殮復蘇。

孫從度

孫從度北直保定清苑人。崇禎戊辰進士官太僕卿。國變錄云。夾四夾追銀四百兩。死于家。

甲乙史云。祭酒孫從度居金臺會館。病卧。有羅將軍來居。孫遣僕持名刺致意。羅大怒。卽騎入內。駢疾。孫妻素悍。迎而罵之。羅命以鐵索繫其頸。并昇孫過己。寓拷訊。孫立斃。妻七拶百敲。十指俱斷。乃

招承史藻寄窖多金得七于兩獻于自成由是翰  
林皆坐餉萬金此三月廿三事  
官銜及事與前稍異姑存之以俟攷

劉明傑

劉明傑山東東昌恩縣人崇禎丁丑進士官中書科  
掌科事以削髮夾二夾

陳翔

陳翔福建福州閩縣人崇禎癸未進士官中書科以  
削髮夾二夾

明季北畧

卷三十二

文

郝傑

郝傑順天籍陝西延安綏德州人崇禎丁丑進士官  
行人以削髮被夾

謝于宣

謝于宣浙江寧波鄞縣人崇禎癸未進士官行人以  
削髮觸怒夾三夾幾死

劉中藻

劉中藻福建福州府福安縣人崇禎庚辰進士官行  
人素有文名以抗言願歸籍觸賊怒被夾

後中藻仕于永歷已丑。大清兵至福寧中藻勢窮自縊亦殉難之臣也。

龔懋熙

龔懋熙四川重慶江津人。崇禎庚辰進士。官太常寺博士。

沈澆先

沈澆先南直崑山人。舉人。官武學教授。夾損一足。追銀五百兩廣貸始足。

國變錄尚有鄭逢蘭范方俱注夾一日夜蔡國

明季七畧

卷二十二

光

光曹惟才俱注夾一夾何肇元注夾一夾逃復被執李起龍注削髮夾他單所無附以候考又有楊苦橋汪光緒拘繫未夾又云廿一日點百官名罪不及冷員廿三至廿五遍拏各官拘繫亦不及冷員一人惟呂兆龍廿三以投水廿七陳翔劉明僕郝傑李起龍謝于宣以削髮劉中藻以抗言觸怒并拘繫夾之其他冷員被收者皆由賊兵橫執不在點單之數。

劉有潤

于已書入前卷殉難內此不錄

幽囚士大夫用夾棍逼取金錢此古今未經見之事亦古今所未有之慘然賊非有親近于用之臣而有仇怨于不用之臣也在黜名時士大夫之自欲用與不自欲用耳而夾亦有二在要津流華者則夾其銀而在冷員聞散有觸其怒而夾之者有已受夾完銀仍求用者有已削髮而賊必不用之者有寧忍受夾而不肯到吏部報名者人品攸分爲並存之

明季北畬

卷二十二

二十

幸免諸臣

周奎

周奎字雲路順天籍南直人以國丈封嘉定伯性甚吝○內監奉旨勸助止輸萬二千金賊信急各府俱鑿其貲惟奎晏然不動城旣破有兵數人到府奎厚犒之卽去已而有賊將張姓者至踞其室奎夫人卜氏姑媳皆自縊卜卽先后所自出也○諸子皆縛去兵士辱奎特甚復有權將軍奎堂張避去李見奎謙讓之極頗憐之乃以小屋數間撥與幸免于刑死子鈔夾

未死。幼子鑽鍾。孫澄清澤俱存。外傳奎獻太子以求免。都中絕無此語。出自彼親戚之口。大都以吝招謗耳。一云李牟數奎。平日鄙吝。督令負薪擔水以辱之。殉難實錄云。周奎正在求死就縊之際。被賊擒去。送偽刑官三夾。不死。坐贓七十萬。府第藏庫什物田產俱沒。入將軍李牟。據其宅。幽嘉定伯。長髮不於面三說不同。並存俟攷。

### 董象恒

董象恒。南直華亭人。萬歷己未進士。官巡撫。從獄中。

### 明季北畧卷二十二

三

擬充餉贖罪釋出道

### 周亮工

周亮工。河南祥符籍。江西撫州金谿人。崇禎庚辰進士。官御史。以知縣行取。御史命己下。見勢迫。不任而遁。

### 鄭二陽

鄭二陽。號潛。河南開封鄆陵人。萬歷己未進士。巡撫安。寧池太等處。僉都御史。從獄中釋道。

### 曾櫻

曾樓號二雲江西峽江人萬歷丙辰進士官廵撫從  
獄中釋遁

施元徵

施元徵南直無錫人萬歷己未進士官副使從缺中  
出有賊將魏姓者是其年家與一令箭父子南歸途  
中因而獲財有令箭故求其帶南耳

曹鼎臣

潛藏不出

張伯鯨

明季北畧

卷三十三

三

張伯鯨字繩海南直奉州人萬歷丙辰進士官兵部  
左侍郎遁最早

王都

王都浙江嘉興崇德人天啟乙丑進士官太常寺少  
卿

汪惟效

汪惟效南直徽州祁門人崇禎辛未進士官工部  
給事中

楊爾銘

楊爾銘四川敘州府筠連縣人崇禎甲戌進士官廣東道御史

周仲璉

浙江湖州長興人崇禎甲戌進士官禮部郎中削髮為丐僧而遁進士程源曾遇于途相向慟哭

蔣臣

南直安慶桐城人薦舉官工部主事削髮遁

程子奇

江西饒州浮梁人天啟丁卯舉人官國子監

明季北畧卷二十二

三

學正

錢國瑞

錢國瑞 原缺

知縣行取在京

程兆科

程兆科仁西廣信府人崇禎癸未進士新選行人

談貞良

談貞良浙江嘉興人崇禎癸未以五經中式

魯五典

魯五典南直太倉人崇禎癸未進士



官偉鏐

南直泰州人崇禎癸未進士

史夏隆

南直宜興人崇禎癸未進士

王崇簡

順天府人崇禎癸未進士

施瓌

浙江湖州府歸安人崇禎癸未進士

林飭

明季北畧

卷三十二

一

林飭福建福州福清人崇禎癸未進士

嚴通

福建福州府人崇禎癸未進士

右進士俱候選

從逆諸臣

語云人臣無將將則必誅夫一念之違且有當

刑况公然拜舞賊庭汚其偽命者乎所以然者

以貪生怖死之心用觀風望氣之志方其苟且

圖活亦迫于勢之無奈迄乎周旋匪類反幾幸

賊之有成。肝腸既已全易。要領尙保無恙乎。始焉封疆失事。每每及于寬政。馴致諸臣習于苟免。卽視顏從逆。可幸無誅人心。一變至此。當事者不盡破私情。大伸國法。恐人偷從此遂晦也。第流言互異。寧無虛實之差。喜事競傳。或出愛憎之口。載名惟有信耳。定獄尙有精心。此則于廷尉之事矣。

楊觀光

楊觀光山東登州招遠人。崇禎戊辰進士。官右庶子。

明季北畧

卷二十二

五

兼侍讀。僞禮政府右侍郎。與梁兆陽。葉初春俱迎闕。而授職。國難紀云。五月初十日。賊召觀光入文華殿。問郊天何以不茹葷酒。不近女色。不行刑。亦有說乎。楊叩頭云。天人一氣。所感不茹葷酒。欲其心志清明。不近女色。欲其呼吸靈爽。不行刑。欲養天地慈和之氣。以感格上穹。賊云有理。有理。先生說得是。以後先生嘗進來講講。留坐待茶。辭出打恭。自成送至簷下。亦荅躬。先于廿四日召一女。語不傳。此則四月初二也。甲乙史云。是日觀光持門生刺。見劉宗敏。四轎開。

程儼然都堂。四月十三觀光以家眷隨而出。至望風臺被殺。

### 楊汝成

楊汝成南直華亭人。天啟乙丑進士。官禮部侍郎。兼侍讀。北來單先照以老釋歸。後開以刑死。國變錄云。夾一夾。以古玉金壺等物。託周鐘送王旗鼓。仍授職。而本鄉有討逆單。叙甚詳。縱不無粧點。而從逆近真矣。

公討檄注云。汝成祖宗世列簪纓。父子踵接翰林。

### 明季北畧卷二十二

三

苑枝起。其族侄也。汝成初欲得館元。以三千金大票送顧秉謙。恐不信。央陸伯符作保。背不全還。伊子顧介。祇屢次索之。繼以金便壺挽。崔呈秀進魏忠賢。遂得收爲義子。典試江右。價定四千。及丁丑科。汝成爲首房第三。題乃賢者在位。三句。係汝成所擬。因汝成先將題招搖。遍賣都中。與知。迨賊破京。汝成先以妾數人送劉宗敏。牛金星故得不殺。上表有云。陛下問罪燕都。威行夷夏。弔民江左。澤及昆蟲。伏念臣汝成。衰殘無力。願爲放牧之牛。摩

項知恩甘效識途之馬。其門生青縉已降賊呼  
劉宗敏爲恩主。預求寬典。又力薦于半金星。得列  
春卿。見周鍾言一統已定。獻江南戶口數賊乃存  
問其子。時奇時亮時憲。并奴宋慶等。尤希心內應  
云云。

項煜

項煜字仲昭。號水心。南直吳縣人。天啟乙丑進士官  
少詹兼侍讀。僞太常寺丞。賊黨黎志陞其甲戌所取  
士也。國難錄云。時京師傳言黎爲賊腹心。薦煜大拜。

明季北畧

卷二十二

五

煜卽昌言于衆曰。大丈夫名節旣不全。當立蓋世功  
名。如魏徵管仲可也。及授太常。意氣沮喪。奉僞命祀  
泰山。驛馳過山東。始變服遁。逕走南都。欲入班。被逐  
煜素巧宦。初在魏黨。旋媚東林。求脫。遂復。移。家。起  
葺門驛。致奇富。所居爲假山。徐氏名產。捐萬二千金  
得之。以詞林清修之席。而一居之侈已如此。其可  
知。種怨里閭。化爲煨燼。哀哉。

何瑞徵

何瑞徵河南汝寧信陽人。崇禎戊辰進士官少詹兼

怒曰吾拚一身拔他罷。因詞連四維。拘至南京下獄。獄卒以九鏈繫其頸。地俱青石。四維無銀使用。求餒甚。一夕而死。

楊士聰

山東兗州府濟寧州人。崇禎辛未進士。官諭德。僞戶政府少堂徐凝生國難。紀云親見門粘欽授官銜。或開刑辱。

高爾儼

高爾儼北直河間靜海人。崇禎庚辰榜眼。官編修。僞

明季北畧卷二十二

宏文館修撰

楊廷鑑

楊廷鑑字冰如。號靖山。南直武進人。崇禎癸未狀元。官修撰。剪髮欲遁。不得。降。授僞宏文館修撰。暗記僞相牛薦。楊與周鍾草詔。兩人互相爭草。幾至攘臂。以狀元而至此。載之青史。不亦羞乎。然則名者造物所忌也。惟有福者能享之。

張之奇

張之奇江西建昌新城人。崇禎戊辰進士。官簡討僞

侍讀賊考選首名。授僞宏文館學士。教習庶吉士。與韓四維楊廷鑑周鐘魏學濂領班勸進。朝賀晷先後從賊西遁。

甲乙史云。四月初四賊以何瑞徵掌宏文館。瑞徵歛庶常裴希度等銀。請牛金星至署。飲到任酒。

陳名夏。字伯史。南直溧陽人。崇禎癸未。會元探花。官

編修。兼戶兵兩科都給事中。一妾京師人。聞變送妾歸母家。因匿焉。後得煤山消息。自縊者。再輒爲妾家

明季北畧

卷二十二

天

救解。潛出謀遁。逢覘賊束縛赴僞都督劉。值不在。解僞刑官王所。王透見呼曰。公得非溧陽陳伯史先生乎。陳曰然。王解所縛揖之曰。先生識某否。曰不識也。王乃山西諸生。數年前曾南游。無所遇。至溧陽。陳會留一飯。贈程五星。久已忘之矣。至是王述其事。留寓中。飲食之。陳涕泣求去。王曰。先生大名在外。去將安之。留此當有大用。陳必不可強留。三日。潛出復爲賊黨所物色。陳自言王君見釋。再押見王。王曰。吾固言之矣。去必不免。因復留之。會見女姻家宋之繩。被夾

稱貸。賊曰汝父方解餉至都。安得云貧。宋父劬爲監軍道僉事。宋急引親家陳以爲證。王并寬宋刑。于是陳通賊之名大著。又以王薦授編修。陳不肯就。日夜求歸。王乃贈其行貲。陰護出城。故陳歸最早。陳以一飯一程之故。以此免死。亦以此蒙惡。豈非天乎。陳自有辨搗。并不敢明言其事。余得北來一友述之甚悉。然諸輩開入從逆。未敢擅爲出脫也。姑附所聞。以俟公論。大清朝初。陳爲宰相。後以事死。

韓四維

明季北畧

卷三十一

堯

韓四維。順天昌平州籍。河南嵩縣人。崇禎辛未進士。官諭德。願輸銀二萬。求爲國子監司業。不得。止授僞宏文院修撰。按司業有何大佳處。而費多金。不過借題媚賊耳。賊亦鄙之。降爲修撰。不亦耻乎。此詞林中。最無行者。

庚辰十月。觀音山僧語予云。對大清朝時。四維寓蘇之觀音山。甚。山中各靜室僧。莫不詐害俄而。座主某。因有大事。請其家。欲避之。且乞銀少許。韓僕辭云。在觀音山。及往山訪之。又辭在家。座主大

宏文館編修各單俱同。惟國變錄注順慶府尹。

### 劉世芳

劉世芳。陝西延安膚施人。崇禎庚辰進士。官簡討。僞宏文館編修。公道單府尹。誤。

### 梁兆陽

梁兆陽。廣東廣州府番禺人。崇禎庚辰進士。官簡討。僞兵政府侍郎。二十首倡助餉之說。與同志求仕者。各寫五千金。託宋企郊先投手本。廿三日召見。叩頭云。先帝無甚失德。以剛愎自用。故君臣血脈不通。以

明季北畧

卷二十一

三

致萬民塗炭。災並至。至闖賊云。朕只爲這幾個百姓。故起義兵。兆陽卽叩頭云。我皇土救民水火。自秦入晉。歷恒代。抵都兵不血刃。百姓皆簞食壺漿以迎。玉師。真神武不殺。直可比隆唐虞。若湯武不足道也。臣遭逢盛世。敢不精白一心。以荅知遇。殊恩闕賊大喜。留坐待茶。意甚欵曲。辭時朝士打躬。賊亦向下打躬。兆陽平身。賊尙未起。乃復打躬出。諸門生貢士世他。魁。因傳于衆。復再召一次。語不傳。兆陽字皆芥。



趙玉森字君立。號月潭。南直無錫人。崇禎癸酉舉人。專心邊策。及庚辰登進士。召對。應荅詳明。問及邊事。既對且泣。先帝以爲能。親拔翰林簡討。時謂欽賜翰。林始出封籓。衆頗榮之。本鄉公揭云。十九至馬君常。太史寓一看。回至同鄉王孫蕙寓所。王云。百行孝爲先。君家有太公在。且全個孝罷。遂相携詣賊報名。途語張琦秦沂。與語意合。乃握手同往。僞四川內江縣令玉森與宋金郊有舊。求改選山東近地。許之。

周鍾

明季北畧卷三十一

三

周鍾字介生。南直金壇人。崇禎癸未。庶吉士。僞宏文館簡討賊中。深慕其名。呼爲周先生。勸進表實。出其手。逢人便誇。牛老師極爲歡賞。不止。李密謬斥僞朝而已。同館多含涕忍耻。幾幸生還。惟鍾揚揚得意。乘馬拜客。屢顧梓官。揮鞭不顧。一時輩中猶腹詬之。三十年雄踞文壇。聯屬聲氣。一旦名節掃地。書林選刻刊落名字。文章一道。尙可信乎。甲乙史云。三月廿三日。庶吉士周鍾。魏學濂。有請葬先帝公疏。投文諭院。院顧君恩。君恩云。諸君亦是好名之事。俟牛相來自奏。卽

碎其窟。周鍾者。故金壇名士。爲復社之長。牛金星見之。呼曰。此周介生先生乎。命作士。見危致命。論大稱賞之。鍾逢人。自誇牛老師知遇。

沈國元大事紀云。勸進文有云。此堯舜而多武功。邁湯武而無慙德。甚至斥先帝爲獨夫。有臣子萬不忍言者。傳爲鍾筆。又有存杞存宋句。龔鼎孳向人曰。此語出吾手。周介生想不到此。

國元又云。人之志趣。無不可以先見其微。復社初立時。常與連床夜話。喃喃不出口。有應無辨。相對

殊不快絕。第其下筆風馳雨驟。天才實驗。則未優耳。交不甚雜。深自歛抑。幽貞一如處子。後爲吳昌時數輩牽引。日至險譎。漸于賄利。知不留意澹交。余遂各行其志焉。一人爲社中健足。傳微遍人。親書向余索五十金爲贄。余謝之曰。余與介生舊好。恐不須此。奸人遂銜恨。百口進讒。及介生舊去。揚揚得意。無論識與不識。咸以得望見周先生。顏行爲幸。噲余絕物。以視今日。則何如。嗟乎。酒壇鬪戰。涉筆時題。無君父之字。必填忠孝之辭。三月

十九古今未有慘變。奈何不以一死以殉皇于地下。乃醜顏偷息。屈筆以結賦之懽。未幾而南都正位。霜簡飛章。讀之無處措面。豈不痛哉。

表云。比堯舜多武功。較湯武無慙德。又有獨夫授首等語。一時傳爲士林之差。

鍾年十三。赴院試題。夫明堂者。拔第一。與蘇州楊廷樞。徐汧等立復社。名馳海內。崇禎已卯。登鄉薦。爲陳函輝所取士。後楊徐陳先後殉難。而鍾以逆見誅。將何以見良師友于九原也。予昔年曾見其

臨大節。句文內有云。事後易爲謀。事前易爲功。所難者。獨在臨事時耳。餘悉忠貞佳句。且推到學識及無欲爲本原。文則佳矣。而臨事一何倒逆也。金壇賀生語子曰。鍾似楊雄。意謂勸進與美新等耳。予意鍾古博。不及楊雄。而表文較美新更甚。殆不如也。賀云。鍾祖祠顏曰。一門七進士。一日有題其側曰。三代五好。臣衆共傳之。余謂文皇怒。方正學不肯草詔。而夷其十族。至是而鍾與楊廷鑑爭草詔。是成祖殺戮忠臣之報也。天心亦巧矣。微矣。於

鍾又何誅

朱積

朱積南直松江華亭人。崇禎癸未庶吉士。僞宏文館簡計。此亦聲氣中大名士也。

史可程

史可程河南開封祥符人。崇禎癸未庶吉士原官。賊逼寫家書于奇院史公。遇兵急不果。即此書果達。閣部史公必怒烈之矣。

梁清標

明季北畧

卷二十二

三

梁清標北直真定府真定縣人。崇禎癸未庶吉士原官。一云改外。

成克鞏

成克鞏北直大名府大名縣人。崇禎癸未庶吉士原官。一云改外。

魯東

魯東浙江紹興山陰人。崇禎癸未庶吉士原官。

李化麟

李化麟陝西西安韓城人。崇禎癸未庶吉士原官。

張元淋

張元琳福建晉江人崇禎癸未庶吉士原官一云防

禦使

釗餘謚

劉餘謨南直安慶懷寧人崇禎癸未庶吉士原職以貌不當賊意改外

李長祥

李長祥四川夔州府達州人崇禎癸未庶吉士原官

一云改外。

明季北畧

卷二十二

三

趙頰

趙頰河東蒲州城人崇禎癸未庶吉士改僞直指使以牛金至鄉同年故多所援引

楊樓鶚

楊樓鶚陝西漢中西鄉人崇禎癸未庶吉士僞直指使。

魏學濂

魏學濂字子一浙江嘉興嘉善人忠節公大中之子子學伊弟也忠節公遭璫禍死學伊以身殉崇

禎初元。公徙步大都。伏門訟寃。又瀝血上疏。劾阮大  
鍼。傳檄交通。逆實殺諸賢。請論如法。天子改容。卹  
贈有加。并平大。梟罪。公念受國厚恩。又天下多事。  
思以功名顯。立究心天文地理。兵農禮樂。刑律之要。  
冀一旦得効。馳驅爲報塞地。壬午舉于鄉。癸未成進  
士。授庶吉士。時賊破秦晉京師。戒嚴。慊與同官吳爾  
璠。樞曹成德等。日夜涕泣謀所以掙禦策。時上一日  
召對。公力請東宮。或二王往鎮南服。又言當糾合畿  
輔義士爲勸王師。而編修陳名夏。曉暢兵事。且習于  
明季北畧。卷二十二

山左右豪傑。宜假以事權。令出都號召。先帝聽之。會  
朝議未定。而賊勢日迫。公乃遺間使走容城。與孝廉  
孫奇逢等約。聯絡勇忠赴難。計已定。未報。而賊薄城  
下。三日城陷。公出遇陳名夏。吳爾璠。方以智。金水  
橋。且曰。我儕圖一死。所以報先帝。公曰。死易。爾顧事  
有可爲者。我不以有用之身。輕一擲也。因言東宮二  
王故在。而真保定間。義旅且暮。且至。獨不能少忍。須  
臾待之耶。旣而東宮二王爲賊所掠。得挾之出。或傳  
遇害于永平。先所約奇逢等。故遲遲失其期。同業者

或拉之還。公乃嗚咽起立曰。所以不死者。欲以有爲也。今已矣。濂義不憚一死。以報命九原。夫濂寧不知靡衣。媮食之可以苟活乎。今其勢非不能南。顧先帝業殉社。稷身爲侍從之臣。而不獲以身從在天之靈。寧爾。這也。卽不然。先父兄而有知。方談笑俟于地下。濂所不能以素棺白旛。袒厠先塋之側者。又焉能冲顏覲息。重執爵而酬家廟之前也。且賊旣肆爲謀篡。則必將勒薦紳爲朝賀。而忍復北面乎。行矣。自愛。爲謝故人。考叔有母。彥升有兒。固後死者責也。因爲

明季北畧

卷二十二

三

絕命詩曰。忠孝千古事。於我只家風。一死輕鴻毛。臨難須從容。有血灑微軀。官卑非侍中。有舌且存之。亦遜常山公。因約同志友。延頸受霜鋒。不能張空拳。與彼爭雌雄。不能奉龍種。再造成奇功。死且有餘罪。何敢言丹忠。所痛母垂白。七十仍尸饔。未葬凡五喪。留與子姪封。人生確百年。壽夭死所同。我兄與弟我。年爲獨豐。高堂無復悲。譬不生阿儂。辭母却就父。生苑猶西東。骸骨豈不歸。卽瘞此詩筒。墓木有拱時。清韻入秋松。又曰。聞天子且出亡。繼云亡後放還鄉。

既望義旗起四方。三者于今皆已矣。當死不死。直羞  
惶。幾家闔門自焚死。幾人投繯從天子。王章不屈。陸  
滅樓。金鉉躍人御河水。街頭男女不讀書。西城井中  
何累累。耳聞讀見羨級人。羨人不已還自噴。死忠死  
孝家常事。我竟不死將誰臣。君亡國破雖易代。正統  
日月虛懸在。待彼篡位我死之。我死固晚免下拜。但  
恨有書報老親。云見不死休酸辛。兒今羞惶活不得  
爲孀愛此全歸身。又貽善付子諄諄。以子孫非甲申  
以後生者。離令讀書。但期精通理義。不得仕宦爲言  
明季北畧 卷二十二

五

書畢自縊死。公爲人豁達多大畧。慷慨好義。性至孝。  
感忠節。公詔獄之慘。終身布素。習以爲常。母病幾殆。  
爲割臂肉和藥以進。乃瘳。設次或及義烈事。輒爲流  
涕。平生疾惡如仇。至不忍見。見亦不能容。居鄉閉門。  
掃軌。非公事不與聞。傳荒歲倡議出粟。減賈平糶。賴  
以有活甚衆。又爲道殣給轉。暑月躬至貧乏及疾者。  
家慰問之。不以爲憚也。子三允。枚允。札允。桓皆負才  
英犖。無忝忠孝家風云。

論曰。論人于死生之際。亦難矣哉。甲申之難。有欲



死而卽死者。范文貞。倪文正。數先生名垂日月。節炳丹青。允矣。至已死而不死者。方太史密之。龔給諫。孝升。呂中翰。霖。生。楊修。撰。靜山熊文選。雪堂陳編。脩百史之數公者。君子猶當詠其志焉。若夫遲死而竟死。後先無間。忠孝同揆者。惟庶常公一人而已。假令庶常不死。則忠節精靈。騎箕乘尾。往來于霓旌霞葆間者。庶常不得追隨其間。其負家乘而辱清流者。何可道也。乃好事者。猶以後死爲口實。善乎文學曹君爾坊之論庶常曰。結連豪傑意。

在報讎。隱忍圖存。冀冀皇嗣。至必死而未死。可謂而不歸。八臣處此。亦極難耳。卒以立孤勿克。感情自經。雖不成程嬰存趙之功。庶無忝姜維復漢之節。其言切而痛矣。余故特表之。爲能死者勸。而弁以見吳兒好詆舌。劔唇鎗。不顧人禍天刑之隨其後也。

忠逆史云。學濂。忠臣魏大中子。其兄學伊。事父于獄中。負屍以出。有孝名。早卒。學濂初聞賊急。有老僕。經事大中。勸主人盡忠。勿負先老爺。一生名節。

學廉卽遣僕歸遂投欵

人傳學廉降賊其母云  
子必死難姑待之

嘉興公討檄云。僞官魏學廉。破犂狂犢。食母逆鳥。蠅  
駟小技。繫籍名流。牛耳要盟。廣招醜類。當逆闖上。犯  
都城。痛先帝身殉社稷。閣部如范倪施李等。絕脰烈  
于臬真。詞林若劉馬周汪等。湛族媿乎張許。而學廉  
見六官之濺血。逞快雲霓。聽百辟之哀號。忤當鼓吹  
趨踰于晉賊。韓霖之闐鳴。吹于僞相金星之階。與吳  
爾壘等衆議。敢言一統無疑。偕陳名夏等。授官私喜  
獨膺優擢。疏銜爲闖父避諱。拜爵頌天命。攸歸。持欵  
授戶正名刺。通爾狐羣。比各門保識錢糧。効忠孽幕  
于逆闖。定君臣之分。于嶙然聯堂屬之交。合周鍾朱  
積之輩。慶復社之同心。對之祖企郊之儔。羨高官之  
捷足。刊修儀注。抵掌而馳說。莽巢草定。詔書攘臂而  
斥。言杞宋心慚。父紱緋衣不覺。朝褫魂繞賊廷。帶玉  
于焉夢錫。改名擬于子駿。圖貴迫於王皮。罪深長腳  
逆甚山頭。彼王敦之與茂宏。尚云羣從。若朱浚之遯  
元晦。亦第孫枝。胡遺愛復出房喬。乃士雅竟逢祖約。  
慨姬且之不作。鮮畔誰誅。使石厚之就刑。帶圖莫遂。

然而三綱未滅。六等猶存。張得一之降。王則首授西曹。達奚珣之事。羯胡腰分。東市今亂。臣賊子合爲一人。卽昇虎投豺。難舒衆怒。所應牛五裂尸。寧止鼠十同穴。然或譜蘭金。或禘姻姬。或畏其負衆而不僵。或慮其黨繁而復逞。緣情面之顧惜。甘狡窟之包藏。中興伊始。法令維嚴。雖吳玠保川。不以驍誅連坐。而李陵降虜。須知遷腐無逃。先鳴義鼓。肅聽王章。

稱人可過也。毀人不可過也。此等文字。後生家不看也。罷然子錄之者。不取其尖利。取其胸中有少許古書耳。所惜者。止欲自逞其筆鋒。全不顧他人之死活也。善讀者知之。

### 吳爾壘

吳爾壘。浙江嘉興崇德人。崇禎癸未。庶吉士。改四川保甯府蒼溪縣。僞令。

### 王自超

王自超。浙江紹興會稽人。崇禎癸未。庶吉士。以年老不更事。不用。自超行賄。選司揚枝起。乃許補。

### 附記

聞自超降賊後。祝髮某地。久之。夜歸。妻爲祝。

孝廉女聞叩門問何人自起曰子也妻曰汝是何人自起曰豈我音而不辨乎妻曰固也第汝受朝廷厚恩而不思報反降賊子大誤矣旣已祝髮亦休矣今猶趨歸又誤也歸而叩子戶更悞矣汝不過思兩子耳汝急去勿相見也竟不啟納自起慚而去祝氏嚴督其子讀書悉能文不令赴試祝亦奇女子也聞自起年頗少前載年老誤也且聞少不更事未聞老不更事也其爲書誤可知顧事貴闕疑不敢擅易一字耳

明季北畧

卷二十一

三

姚文然

姚文然南直安慶桐城人崇禎癸未進士以貌不揚改授密雲縣僞令

劉肇國

劉肇國江西吉安安福人崇禎癸未庶吉士

傅學禹

傅學禹湖廣黃州麻城人崇禎癸未庶吉士

高珩

高珩山東青州濰陰人崇禎癸未庶吉士

何允光

何允光。河南開封杞縣人。崇禎癸未庶吉士。

張立錫

張立錫。北直保定清苑人。崇禎癸未庶吉士。

白允謙

白允謙。山西汾州陽城人。崇禎癸未庶吉士。

黃燦

黃燦。湖廣荊州夷陵人。崇禎癸未庶吉士。

劉廷琮

明季北畧

卷二十二

聖

劉廷琮。廣東番禺人。崇禎癸未庶吉士。

呂崇烈

呂崇烈。山西平陽安邑人。崇禎癸未庶吉士。

何九雲

何九雲。福建晉江人。崇禎癸未庶吉士。以年老不用。

幸哉。人固不可無年。

張端

張端。山東萊州掖縣人。崇禎癸未庶吉士。大目。寇忻之子也。豈以父受別辱。屈體求免乎。睹記云。親見門。

粘欽授簡討國難記云縣令誤

楊明琅

楊明琅福建泉州晉江人。崇禎癸未庶吉士。

龔鼎雲

龔鼎雲南永昌保山人。崇禎癸未庶吉士。

史垂譽

史垂譽江南昌豐城人。崇禎癸未庶吉士。

羅憲汝

羅憲汝江西南昌府南昌縣人。崇禎癸未庶吉士。

明季北畧

卷二十二

四

張家玉

張家玉廣東廣州府東莞縣人。崇禎癸未庶吉士。三上書于賊責以大義請賓而不臣。見賊長揖賊怒縛柱上欲剝之。顏色不變異而釋之。愈欲其降不可遣。人往拘其父母乃降。授原官。就其抗顏賊廷覲死。不傷。卽古之烈士。何以加焉。雖爲親改節以方徐庶非其例矣。甲乙史云。四月初五庶吉士張家玉上書於自成請表章范景文周鳳翔等。隆禮劉宗周黃道周等。尊養史可程魏學濂等。賊怒縛午門外家玉請死。

不許凡三日賊喝欲磔之後不動賊云當磔其父母  
乃跪求免仍爲庶吉士。玉廣東人父母在籍未嘗到  
京抗法倏忽殊自無謂。

張家玉陳情書

附記

前明朝翰林院官謹百拜稱賀大順皇帝陛下陳情  
左右。君王旣定鼎于天下必以尊賢敬德爲基。是故  
不沒人之忠者。所以有忠臣。不沒人之孝者。所以有  
孝子。家玉得君未及一年有親戚四老。此下文氣不  
續似失一葉君王處此徑當賓禮之而不臣。且比例于晉處士陶

明季北畧

卷二十一

聖五

旌別其門日明翰林庶吉士張先生之廬庶不傷人  
臣子之心不辜爾蒼生之望不然臨以刀鋸設以鼎  
俎家玉者形影相笑從容而樂蹈之耿耿此心誓無  
後悔

張家玉薦人才書

附記

前明朝翰林院官謹百拜陳情于大順皇帝陛下忠  
臣義士于明爲多勸義獎忠于順爲盛是故如范景  
文周鳳翔等當亟爲明郵贈之。而匪但爲明郵贈之  
劉宗周黃道同等當急爲明隆禮之。而匪但爲明隆

禮之又如史可程。魏學濂當亟爲明尊養之而非但爲明尊養之何則。明孝著而順人知有父也。明忠著而順人知有君也。至若家玉殷人從周。願學孔子但區區賓禮而乞繫之以明者。蓋不特見君王之高義。實我欲遂君王之大不甯也。當此多方多士。尙在危疑驚喜之時。莫若將家玉旌而別之。刻其書以布之四方。得一仁人以收拾天下人心。勝精兵十萬可知也。如其不允所請。家玉決不墮泥塗爲班皂羞。歸鄉里爲父母媿。誓殺身爲牲。少備天子大享上帝。乃鋸

明季北畧

卷二十二

吳

鼎俎諒非負氣守節者。所隱忍而規避也。榮辱惟命。生死亦惟命。家玉後爲忠臣。上此書蓋借以述也。

癸未館選三十六人。列在刑辱者止萬發祥一人。

張國泰

北直保定新城人。崇禎癸酉舉人。官待詔。

高萊鳳

陝西韓城人。崇禎丙子舉人。官待詔。

吏部

沈自彰



沈自彰順天籍應天上元人萬曆二十九年辛丑進士官太常少卿掌文選司郎中事國難錄注夾二夾留用

郭萬象

郭萬象陝西西安高陵人崇禎甲戌進士官文選司郎中爲吏政府考功郎國難略記云親見粘貼欽授職銜主門

劉廷諫

劉廷諫順天籍浙江人萬曆己未進士官考功司郎

明季北畧卷二十二

單七

中改僞府尹

侯佐

侯佐山西解州人崇禎甲戌進士官驗封司員外僞吏政府稽勳郎

左懋泰

左懋泰字韋諸山東登州萊陽人崇禎甲戌進士官稽勳司郎中僞兵政府侍郎鎮守山海關

熊文舉

熊文舉號雪堂江西南昌人崇禎辛未進士官稽勳

司郎中僑吏致府驗封郎國難暗記云親見門粘

王顯

王顯北直廣平曲周人崇禎丁丑進士官主事

別單聞有孫節雲南籍武進人子舉人官司務

戶部

王鰲永

王鰲永山東濟南濰州人天啟乙丑進士官右侍郎

督理錢法夾二夾留用

黨崇雅

明季北畧卷三十二

吳

黨崇雅陝西寶雞人天啟乙丑進士官右侍郎督運

西路賄復原官大張告示諭抑運漕白糧等官候新

主遣官察盤銷算擅離提究等因

孫襄

孫襄南直寧國宣城人崇禎甲戌進士官郎中注偽

戶政府屬

陳辰誦

陳辰誦山東濟甯人崇禎丁丑進士官郎中注偽戶

政

徐有聲

徐有聲。太醫院籍。崇禎庚辰特用官。郎中。注偽戶政府屬。

李甲

李甲。北直順德南和人。天啟甲子舉人。官員外注偽戶政府屬。

姬璵

姬璵。陝西西安華州人。官生。官員外注偽戶政府屬。

賀八邵

明季北畧

卷二十二

完

賀久邵。湖廣長沙湘鄉人。萬歷四十六年戊午舉人。官主事。偽戶政府從事。

陳聯璧

陳聯璧。湖廣襄陽光化人。官生。官主事。偽戶政府從事。

介松年

介松年。山西平陽解州人。崇禎辛未進士。官主事。原官。睹記云。親見。鴻貼甲乙史云。三月廿一。戶侍郎黨崇雅給事。介松年。御史柳寅。東各方。中色衣。自西長。

安門騎馬入內。蓋黨在通州時降介在保定時迎降。

別單開有吳

虎福建莆田人崇禎庚辰特用官

郎中

傅鶯祥河南汝寧汝陽人官生官主事

南廷鑄陝西西安渭南人官生官郎中

鄭爾圻北直保定安肅人官生官郎中

王鳳林山西平陽芮城人官生官員外

李鍾秀山西平陽蒲州人天啟丁卯舉人官郎

明季北畧

卷二十二

辛

中

王高才陝西西安三原人天啟甲子舉人官員

外官生官郎中

胡之彬河南汝甯光州人崇禎甲戌進士官主

事

禮部

徐原

徐原四川夔州梁山人崇禎辛未進士官郎中注偽

政府屬

吳泰來

吳泰來江西瑞州新昌人。崇禎辛未進士。官員外爲禮政府從事。此吳甘來同胞也。

一本所生賢不肖何相去之遠也。禽跡一家導敦。同國涇渭之分自古爲然矣。

余忠宸

全本方江西南康都昌人。崇禎丁丑進士。官員外。

金有慶

金有慶不直。長洲人。崇禎丁丑進士。官主事。僞四去。

明季北畧

卷二十一

五

成都安縣令

張琦南

張琦南直無錫人。崇禎甲戌進士。官主事。僞四川梓潼縣令。出都不一日。遇一馬。奪印去。索千金爲贖。叩首乞憐。賊磨印角。知是銅。擲還之。

附記

張琦甲戌項煜所取士也。爲主事。積金四千。

兩甲申其戚。陳曰賊一急須藏金。琦井以無已而。

城破俱沒。井中賊入京。凡衙門諸井悉淘。汲靡遺。

時琦唐寺道袍。道履坐馬坊草宅。擊鯨誦金剛經。

所攜一僕一婦一婢年十三四俱匿而後賊至人  
道人誦經輒去迨後婢婦登後屋中望賊遙見詰  
琦曰汝是官兒非道人也豈有出家人而藏婦人  
者乎遂索草中得紅袍銀帶及銀五百兩併婦婢  
挈去琦乃免未之降賊也此琦之歌童顧元在京  
親見述此趙玉森家居學前有翰林匾諸生擊碎  
之趙閉戶諸生乃去復至琦家時琦尙未南歸伊  
郎子寅服麻衣迎諸生曰吾父已死矣衆以千年  
六十餘信之乃散及十二月琦歸予曰何以歸爲

明季北畧

卷二十二

五

迨明年乙酉南都有議

大清至乃免

高去奢

高去奢北直真定甯晉人崇禎丁丑進士官主事

葉湖

葉湖廣西籍江西南昌豐城人天啟丁卯舉人官司

務僞吏政府司務崇禎入山賊寇出塞入流賊入

別單開有黃熙允福建泉州未汙入崇禎辛未進

大去六中

吳之琦福建晉江人崇禎丁丑進士官主事

兵部

張縉彥

張縉彥字坦公河南衛輝新鄉人崇禎辛未進士官  
尚書三月十九辰時同大監曹化淳開齊化東便二  
門納賊以入朝爲太監王德化所擊鬚盡拔賊亦擊  
之竟斃之。一云南歸爲實。

大事紀云廿一日內監王德化出朝見兵部尚書張

縉彥青衣待罪于皇極殿前此日汝輩誤國至此今

明季北畧

卷二十一

三

不急殮先帝乃復推戴新主耶縉彥曰此與我無干  
自有主之者德化憤極呼從者連搯其頰縉彥掩面  
垂涕。

附記 張一方蔡元吉

張一方大同人善騎射貌瘠而勇望若飢鷹少從  
曹文詔勦賊所在有功曹設從穰鎮陳原福守泮  
城迄全陳隆賊一方從之及賊破京師分營薊遼  
備乃逸去時張縉彥朝房自縊死復甦自成使牛  
金星說降不從備極榜掠乃命二賊攻之西行遇

一方于龍泉關遂與脫身至太原會賊將大索縉  
彥一方與蔡元吉乃投偽將永福差往河南永福  
疑之留驛符不發及縉彥計脫奔豐峪山著黃冠  
走盤駝地皆土黔衆人肝而食賊追捕甚急忽一  
方與元吉俱至遂脫于難已而賊捕縉彥于新鄉  
一方元吉潛衛左右八月初五日擒府縣各偽長  
與縉彥人行山之吉崗歸者萬人有偽都尉黃來  
襲互賊不勝一方乃潛伏林中射殺其長賊乃遁  
去時一方年三十八從縉彥南下至睢陽乃賊事  
開授副總兵駐兵睢陽疽發而死縉彥方死睢陽  
城中

明季七畧卷二十二

蓋

其元吉懷慶人始祖從高帝戰有功授懷慶衛指  
揮使元吉博武官不爲人弟子員與張一方善賊  
掠河北陳永福降元吉隨永福自置至燕而度紫  
刑龍泉經太原皆與一方其之張縉彥引而南疏  
其事授監紀推官

右兩人本不列于從逆予之附之者見縉彥未嘗  
爲賊黨耳



耿章官

山東東昌館陶人。崇禎丁丑進士。官員外注。

兵政府屬。

宋國書

朱國壽。順天籍。南直人。崇禎辛未進士。官員外注。兵

政屬。

方允昌

方允昌。浙江紹興諸暨人。崇禎甲戌進士。官主事。偽

兵部員外。督漕江南。乘方舫至宿遷。

明季北畧

卷十二

五

別單開有鄒魁。明江西南昌人。天啟丁卯舉人。官

員外

趙開心。湖廣長沙人。崇禎甲戌進士。官員外。

黃紀。四川瀘州人。天啟甲子舉人。官主事。

朱修延獻。山東兗州府兗甯州人。崇禎丁丑進士。

官主事

張慎學。山東夏縣人。崇禎丁丑進士。官主事。

劉養貞。四川邛州大邑縣人。崇禎辛未進士。官

主事。三月廿一。于皇極殿前。觸頭痛。吳請誅。吳

國奸臣張縉彥魏藻德陳演賊云先朝時何不  
早言立斥之後不知下落

刑部

張燁然

張燁然號松瞻浙江湖州烏程人崇禎庚辰進士官  
郎中僞戶政府少堂

朱受佑

朱受佑南直鳳陽懷遠人官生官郎中

黃昌允

明季北畧 卷二十二

姜

黃昌允湖廣常德沅江人崇禎丁丑進士官主事

劉慶蕃

劉慶蕃北直滄州人崇禎戊辰進士官主事

吳文熾

吳文熾浙江籍南直徽州休甯人崇禎庚辰特用官

主事

別單開有歸起先南直常熟人崇禎癸未進士官

選主事按起先已丁外艱阻兵未歸遂有謂其

受職偽防禦或偽合者再核

工部尚書所開命入崇禎甲戌進士有文林

繆沅

沅字湘芷浙江錢塘人崇禎丁丑進士官主事僞

國子監助教

別單開有何復山東萊州府平度州人崇禎甲戌

進士官主事

趙之璽山西太原樂平人天啟甲子舉人官主

事

六科給事

明季北畧 卷二十二

劉昌

劉昌河南開封祥符人天啟乙丑進士官戶科左給

事中僞太常寺卿昌與僞相牛金星同鄉最用事百

官鉅刺俱借焉

申芝芳

申芝芳南直嘉定人崇禎辛未進士官禮科僞諫議

初與行取推官吳适聯姻及從賊适絕其婚

戴明說

戴明說北直河間滄州人崇禎甲戌進士官吏科僞

三

諫議方與李襄城拮据守城。明說乃特疏糾之。疑先有外心矣。

時敏

時敏字子求。號修來。南直常熟人。崇禎丁丑進士。官兵科。江西督漕。僞四川宜賓縣令。或云錦州牧。非也。敏當城破時。客問作何計較。敏徐曰。天下將一統矣。赴選時。適吏部門闈。叩門大呼曰。我兵科時敏也。既授。僞選出都。聞賊敗。遁歸故里。其家已爲里中兒借名焚掠。波及族黨。敏歸公然張蓋。訟之。有司白。樞本

明季北畧

卷二十一

五

科。傲睨閭里。知南都理通案。攜家遠避去。

一云士民焚掠。敏家三代四棺俱斃。毀

赦從逆來歸。敏開屯大瞿山。

龔鼎孳

龔鼎孳。南直合肥人。江西撫州臨川人。崇禎甲戌進士。官兵科。僞直指使。每謂人曰。我願欲死。奈小妾不肯。何。小妾者。所娶秦淮媚顧媚也。湖廣按臣黃澍有疏。

傳振鐸

傅振鐸。江西撫州金谿人。崇禎丁丑進士。官兵科。僞縣令。

孫承澤

孫承澤。順天籍。山東青州益都人。官刑科都給事。僞防禦使。

光時亨

光時亨。南直桐城籍。祁門人。崇禎甲戌進士。官刑科。僞諫議。北回日。擊忠逆定案。云闖逆名見。而加獎勵。

隨諭以原官視事。時亨寄書其子。有云。諸葛兄弟分。

明季北畧

卷三

五十九

事三國。伍員父子亦事兩朝。我以受恩。大順汝等。可改姓。走肖。仍當勉力讀書。以無負南朝科第。

翁元益

翁元益。南直上海人。崇禎甲戌進士。官刑科。初擬諫。議夜間被賊兵打面腫。宋企郊嫌其貌醜。改四川縣令。

郭充

郭充。陝西鞏昌隴百人。崇禎丁丑進士。官刑科。僞政府屬。

高翔漢

高翔漢。陝西鳳翔寶雞人。天啟甲子舉人。官工部。右賊入。即用為都直指。亦以同鄉有薦也。

御史

柳寅東

柳寅東。陝西鞏昌府徽州人。崇禎辛未進士。從天津入賀。

韓文銓

韓文銓。陝西咸寧人。崇禎甲戌進士。官河南道。偽諫。

明季北畧

卷三

本

議

熊世懿

熊世懿。湖廣麻城人。崇禎辛未進士。官河南道。偽廬州府尹。別單開防禦使。誤。平日講學。鄉人度其必死。竟不然。

蘇京

蘇京。字培臯。山東安東人。崇禎丁丑進士。官江西道。偽防禦使。

淮安府有安東縣。此屬山東。再核。

陳羽白

陳羽白字眉大。福建漳州南靖人。崇禎甲戌進士官廣東道僞直指使。

蔡鵬霄

蔡鵬霄福建晉江人。崇禎戊辰進士官四川道國難錄云掛京堂。因無缺未授。

裴希度

裴希度字晉卿。山西太原籍。順天遵化人。崇禎甲戌進士官陝西道。授僞宏。大館庶吉士。

明季北畧

卷二十一

五

徐必泓

徐必泓字印。每江西南昌人。崇禎辛未進士官貴州道。掌河南道印。僞直指使。睹記云親見粘單。

別置問有徐一掄。浙江上虞人。天啟甲子舉人官

山東道

通政使

趙京子

趙京仕陝西漢中城圉人。天啟壬戌進士官本司左

參議原官

宋學顯

宋學顯南直長洲人。崇禎戊辰進士。官本司右叅議。僞驗馬寺卿。國難錄注原官非也。

大理寺

吳履中

吳履中南直金壇人。天啟乙丑進士。官本寺寺丞。國難錄云夾一夾。此周鍾賄王旗鼓。授大理寺卿。

錢位坤

錢位坤南直長洲人。崇禎辛未進士。官本寺右寺正。

明季北畧

卷二十一

奎

改偽四子監助教。城未破時。眾以邊才推之。已擬昌平巡撫矣。好官未做。惡名已蒙。國難錄云。初牛賊不用。託周鍾質緣。為吏政府來赴部。時向人曰。我明日此時便非凡人了。京中有不凡人傳。

周蘭

周蘭河南汝甯羅山人。崇禎庚辰進士。官本寺評事。僞政府屬。

尚寶司

吳家周



家周。徽州歙縣人。和州籍。天啟乙丑進士。官尚寶。兼備大理卿。

光祿寺

林銘球

林銘球。福建漳州漳浦人。崇禎戊辰進士。官本寺監事。偽防禦使。

中書科

呂兆龍

呂兆龍。南直金壇人。崇禎庚辰進士。官中書舍人。四

明季七畧

卷二十一

奎

川成都府同知。先投御河。為賊所獲。夾一夾授官。

姜金允

姜金允。山東掖縣人。崇禎癸未進士。官中書舍人。偽

府戶

國子監

薛所蘊

薛所蘊。河南懷慶孟縣人。崇禎戊辰進士。官司業偽

祭酒。考監生二次。第一次首題。蒞中國而撫四夷也。

又題為厚也。尚也。一監生被云。地天交泰。聖人所以

大一統也薛大壽遂列第一惜遺其名

李森先

李森先山東掖縣籍平度人崇禎庚辰進士官博士  
僞禮政府祠祭司從事

吳道新

吳道新南直安慶桐城人舉人官助教僞政府屬

大僕寺

葉初春

葉初春字匪岑江西九江湖口人崇禎戊辰進士官

明季北畧

卷二十二

書

本寺卿僞兵政府少堂或注刑政府侍郎或注大理  
寺丞疑誤聞葉公為人頗忠厚然其子作縣破數百  
家人稱虐葉至今咒詛不絕或亦禍之延也

李元鼎

李元鼎江西吉水人天啟壬戌進士官本寺丞僞大

常寺卿

行人司

沈元龍

沈元龍南直吳江人崇禎辛未進士官光祿寺署丞

為兵政司。頗用事。為吳中通客主人。

許作梅

許作梅。河南新鄉人。崇禎庚辰進士。官行人。偽政府

屬。今國藏錄注府尹

張元輔。山西汾州孝義人。崇禎丁丑進士。官行人。偽

學政。國變錄注星外

李丕著

李丕著

李丕著。山西平陽曲沃人。崇禎丁丑進士。授原官。

兩本北畧 卷二十二

奎

郝晉

郝晉。山東登州棲霞人。崇禎戊辰進士。官順天府尹。

夾二夾留用

黃國琦。江西瑞州新昌人。山東滋陽知縣。行取在京

注縣令。國難錄注府尹

侯選。癸未進士

胡顯。四川井研人。性縣令

胡顯

胡顯。四川井研人。性縣令

武 懷

武懷。陝西西安涇陽人。僞徐淮防禦使。

程玉成

程玉成。四川重慶江津人。僞教職。

王爾祿

王爾祿。北直濤苑人。僞教職。

楊儼

楊儼。北直順天人。僞揚州府尹。

吳剛思

明季北畧

卷二十二

奕

吳剛思。南直武進人。僞兵政府從事。

國難錄

尙右張鳴駿。注僞直捐賀王盛。注僞太僕寺丞王于瞻。僞鳳陽府尹鄒魁明。僞淮安府同知。

王徐蒙麟。僞山東防禦使。王臯。僞四川縣令。

侯恂

侯恂。河南歸德府邱人。崇禎戊辰進士。官兵部尙書。

坐封疆下獄。僞工政大堂。

楊枝起

楊枝起。松江金山衛人。崇禎甲戌進士。官戶科給事。

中坐罪輔周延儒案下獄。僞吏政府從事故事。逕司最重。謂之逕君。賊企郊專政。但委唱名侍立。竟日不敢參一語。

### 張若麒

張若麒。字天石。山東萊州府膠州人。崇禎辛未進士。以兵部郎中出監軍。督戰失機。下獄。督兵守關。

一時出獄者甚衆。從逆當不止此。良不能悉知也。甲乙史云。三月二十賊盡放。貫城罪囚。張若麒侯恂皆參謀。若麒自稱宵錦之功。又言天下壞于黨。

明季北畧

卷二十一

七

人賊皆然之。都司董心葵亦自獄出。備言中國情形及江南勢要。自成大賞之。從賊入都。諸逆臣附。

### 牛金星

牛金星。河南人。天啟丁卯舉人。僞天祐閣大學士。

### 宋企鵠

宋企鵠。山西醜州人。崇禎戊辰進士官吏部。回籍僞

吏政府大堂。

一陝西西安有乾州再核。

顧君恩

顧君恩拔貢生。偽吏政府選郎。

楊王休

楊王休。北直河間鹽山人。崇禎庚午舉人。官山西運

關兵備僑戶政府大堂。

蘇京

蘇京。安東人。崇禎丁丑進士。官御史巡按河南。

喻上猷

喻上猷。湖廣籍。江西豐城人。崇禎辛未進士。官御史。

明季北畧

卷二十一

庚

鞏情

鞏情。陝西慶陽人。崇禎辛未進士。官湖南督學。

參政。降賊偽禮政府大堂。

傅景星

傅景星。字夢禎。崇禎丁丑進士。偽兵政府大堂。河

南歸德。雖州人。為平陽知府。

黎志陞

黎志陞。湖廣岳州華容人。崇禎甲戌進士。官山西督

學。參議。偽兵政府少堂。

安興民

安興民天啟丁卯舉人。僞刑政府大堂。

陸之祺

陸之祺。浙江嘉興平湖人。萬曆己未進士官陝西左布政。僞刑政府左堂。

李振聲

李振聲。陝西米脂人。崇禎甲戌進士。僞工政府大堂。

王學先

王學先。崇禎庚午舉人。僞通政司。

明季北畧 卷二十二

堯

韓霖

韓霖。北直永平府舉人。大同陷降。僞參謀。此後長州尹韓原善子也。向以禦敵自負。今乃為賊用耳。

王則堯

王則堯。山西翼城人。崇禎庚辰進士官山東布政司參政。僞順天府尹。

魏天賞

魏天賞。僞淮揚運使。

王世華

王華  
爲崇文館學士

王孫蕙

王孫蕙字晦季。南直無錫人。崇禎甲戌進士。欽補大名府濬縣知縣。僞長蘆運使。長洲陳濟生于四月十八在河西務。遇見其舡。與新選僞淮揚運使魏天質同行。聲勢甚壯。

孫以敬

孫以敬。南直太倉人。崇禎丁丑進士。官長垣縣知縣。集友人寓所有。同年亦與席。或言城破。尙不信。見街明季北畧。卷二十一

半

市狂奔狀。友人倉惶辭去。孫了無驚色。徐步歸寓。則賊將已拘家奴矣。問主人何在。不肯言。竟斃杖下。以敬竟投單爲僞刑政府從事。負此僕矣。以敬美丰儀。善與人交友。人多親愛之。本州有請爲討檄。莫有應之者。

顧芬

顧芬。南直無錫人。崇禎丁丑進士。官河開府推官。僞四川成都府同知。

周壽明



周壽明。湖廣蘄水人。崇禎丁丑進士。官北直曲周縣知縣。僞揚州防禦使。

吳達

吳達。南直無錫人。崇禎庚午舉人。官北直邯鄲縣知縣。僞四川巴縣令。

董復

董復。南直武進人。崇禎癸未副榜。官北直保定府推官。僞北直真定州牧。

康熙十年辛亥四月初五下午天節。子書于社塔

明季北畧 卷二十二

主

之王館

宋獻策 補遺

獻策通天文。善占驗。有官犯潛匿。按方指示。無不就獲。有識之者。數年前曾在海岱門外起數。或以爲賊閒也。天下呼爲宋矮子。

孔孟討賊文

君臣之義。察乎天地。少之時。誦其詩。讀其書。將爲君子焉。及其壯也。仕則慕君。行乎富貴。尊其位。重其祿。君之視臣。如手足。如彼其專也。天作孽。賊民興。一人

橫行于天下從之者如歸市殺人盈野殺人盈城個也不幸至于大故弑其君者自成也。帝大人者相向而哭北面稽首再拜見危授命守死善道豈不誠大丈夫哉。有賤丈夫焉好貨財私妻子則疾視其長上之死而不救不保社稷不保宗廟或告之曰是誰之過與則曰非我也。兵也君無尤焉。殘賊之人迎之致敬以有禮朝將視朝端章甫衣夫錦蚤起而往拜之將入門戰戰兢兢有所恐懼入門則不知足之陷之手之舞之尊爲天子戶爵小大由之立于惡人之朝

明季七畧

卷二十二

十一

樂莫大焉。出語人曰二三子何患乎無君事是君則爲容悅者也。見牛事之以皮幣事之以珠玉爲其爲相與。過宋則往拜其門。晉肩諂笑無所不至。繼而有師命爰整其旅環而攻之。賊仁者棄甲曳兵而走。百官有司如窮人無所歸竊負而逃茫茫然歸驕其妻妾無所用恥焉。噫臣不臣謂之賊。屢陷于人親戚叛之鄉人皆惡之。獲罪于天死之日狐狸食之蠅蚋始隕之。然後快于心與。遊諸四夷不亦宜乎。君子曰薄乎云爾。乃若其情斷斷兮罪不容于死。

甲申之變降臣頗多吾邑好事者撮四書成語以  
嘲之亦見文思巧妙故附錄焉

10478

明季北畧卷之二十二終  
明季北畧卷二十二

三三

10478

明季北畧卷之二十二終  
明季北畧卷二十二

